

平原縣志

一至三



DC  
793  
S42 P536  
1748  
v.1









魏車

平泉

諱劉曰重



乾隆己巳重修

平原縣志

縣庫藏板



平原縣舊志序

夫郡邑之有志也非徒存故實昭因革所以考得失而懲勸戒  
也要其體固貴簡潔而病冗雜然事不敷則無以鑒往辭不贖  
則無以俟後必讀之使人躍然如生長其地諳歷其狀興河山  
之感抒厝注之歎斯志之善者也吾邑東省壯鉅入我國家雖  
列畿外隱然同左輔焉顧舊乘叢蕪漫漶時異勢殊並殘闕者  
失之俾產茲者貽文獻之羞泣茲者切杞宋之歎非所以重土  
風而勗吏理也賢令劉侯銳意蒐輯以長垣令高君所爲志屬  
予序之高君宏才博學歷稽羣籍蓋本先達抑齋翁所著而潤  
色損益之其事覈其辭瞻良哉志可謂心苦而功倍者矣予嘗



驗天下事物卽微細者亦有定數不能強也吾邑昉於爽鳩之墟幾與海岱相終始乃往牒已無所稽而聖朝統一函夏聲教先被齊魯嫻於文學又其天性迥寥寥迄今也匪抑齋翁叔之高君繼之劉侯維持而從臾之將遺所不知何人母亦有數也耶斯其澤當世世畏壘哉予不佞生於斯地旣不能譌記爲桑梓重而待罪垣鎮又無以宣上德意樹嘉績於鄉壤惟兢兢以古之淳挽今之漓庶幾聖天子節儉實惠不致墜闕則夙夜耿耿者也吾邑昔稱樸質今漸淪矣讀斯志者思至魯至道之訓不徒曰備掌故而已斯作者盛心哉萬歷庚寅秋七月賜進士出身中憲大夫奉敕巡撫保定等府提督朱



御史前大理寺少卿京畿道監察御史邑人宋仕撰

述志

惟先王制國畫地分邑或沿或革推世道之次志建置建置必  
經邦土畫封畛疆域奠而勢守分矣疆域定於川澤扶輿孕靈  
物饒風媿民生蕃滋故列物產述風俗紀民賦焉測土度宜辨  
方興利而後民咸乂能乂民而後能享神故次之以祠祀神人  
諧而上下和然後民心孚洽而禮義可措故次之以學校三者  
皆擾民而治之之具也事有參差不可以類存之足備摭攷雜  
志不敢不志也吾原素稱文獻而人文與時宣昭學術事功風  
標節誼揚其令芳各以類著人物不敢不詳也教養興於官師



列其名而賢否之迹可考矣績效隆著曰惟循吏釋思不忘焉  
乃列職官述名宦至於墳典道絕六經言微秦漢而下文辭燦  
如也然要以發洩治道之蘊故志藝文以敦其訓焉邑人進士  
歷知長垣縣事致仕高知止

後序

平原爲郡在昔一大都會與青州河朔懸衡等勝而至我朝寢  
廢寢降爲邑今所名爲陵縣是已乃我邑實故郡四封地歷世  
而往獨得仍舊號不湮滅更置云蕞爾之土往僅獲列於附庸  
而今衣冠風政田園物產至比故郡聲光不翅雄埒則余不勝  
滄海桑田之感矣邑有志故廢再啓於張大中丞隨成於高明



府而宋大中丞且不恡褻然爲序珠玉冠前三先生者所謂後  
榆之祭酒文苑之宗工也其於茲書如老宮監談天寶年間事  
言言中覈當實不虛以寄慨於杞宋之無徵功德金石與並矣  
咫尺之編識大舉細彰往古而揭來今其書類史隸厥幅員而  
非野其義比乘副載名山而非家無論於龍門蘭臺何若而以  
繫於當實不虛之指則有賢者莫爲加懸金不能讚矣余生關  
微駢謫不文幸分百里而叨一日士昨之上士遵禮訓而昨不  
窳媮區區不佞猥有所藉以稱官聯而無虞於獲上則平原也  
者其化人槐安之境矣乎屬在殺青以職事未宜三謝聊爲紀  
之卷尾如此任郵任德乎余不敢知矣時萬歷十有八年歲在



庚寅秋八月吉文林郎知平原縣事孤竹劉思誠謹識

修志姓氏

邑人都御史張蕙

進士知縣高知止纂集

都御史宋仕

叅政趙焯

御史霍從教

舉人張尊周訂正

署教諭王學夔

訓導王可嘉任翀

廩庠胡來琛

孫應試趙炘張柱校閱

知縣劉思誠

縣丞施素貴

主簿李蕃

典史陳萬善刊行



重子臯陳亦出所見聞用相裨贊凡條目五十有八挈其大綱  
釐爲十卷不敢謂踵事增華亦庶以訂譌補漏乎雖然難言之  
矣舊志一因於張中丞再因於高長垣當時宮保宋公稱其心  
苦而功倍而劉侯猶不免文獻不足之慨況今者故老之傳聞  
已遠名山之著述無藏僅因百六十年前之靡爛剝缺者撫拾  
綴緝以學步邯鄲撫心自問能信爲一無譌漏哉自今以往更  
有如程子其人者因加增訂爲茲邑立不朽之功則茲志其嚆  
矢也夫

乾隆十三年歲在戊辰嘉平月知平原縣事加二級溧陽黃懷

祖謹序



縣志

卷之

一

地理

山川

城郭

鄉里

學校

風俗

雜錄

馬大

計取

其

人

皆

因

賦

有

益

立

除

以

早

赴

經

辦

自

計

公

山

其

外

通

因

以

不

各

其

山

其

外

通

因

以

不

各

其

山

其

外

通

因

以

不

各

其

山

其

外

通

因

以

不

各

其

山

其

外

通

因

以

不

各

其



重修平原縣志凡例

計二十四則

一舊志刊於前明劉侯本邑先達張中丞高長垣所著也自萬歷庚寅之秋閱今一百五十九年脫落漫漶幾不可識因循已久訂輯殊難

一舊志自劉侯後二十年四明黃侯嘗卽其版而稍續之迨我天此數置八國平人車不可校今版盡焚一而山川

朝康熙癸丑奉文重修時當事未遑也邑先達溫守趙公慨然增纂刊版存家今版已烏有僅購得其人物志二十餘頁文獻無徵良可浩歎

一發凡起例史事之權輿也舊志無之似不宜闕今以臆見



增於卷首

一舊志分野區界城池三圖散附本條而縣治學宮無圖頗乖體要今並補繪列於卷首

一舊志先建置後疆域而山川風俗亦各爲一綱夫疆域因乎天地建置乃因乎人序不可舛今列疆域第一而山川風俗皆以目附邑故無山改山川爲川澤志實也復特增巡幸一條以紀異數

一舊志以城池市鎮郵舍隸疆域以古蹟坊表冢墓入雜志今並析爲建置之目

一舊志以戶口徵稅等爲政治志而別立物產志鹽法闕焉



今統爲食貨志更增恩卹一條

一舊志戶口徵稅登載太畧若丁徭之優免田賦之荒熟米折起存尤不一及後無從考今悉遵照現定賦役全書確覈而詳書之以昭休養之仁以徵令甲之善

一祠祀學校皆依舊志綱目而以

國朝盛典增入但移學校於祠祀之前

一職官志舊列人物鄉賢之後然官師雖微一邑仰治人才興替有先責焉今竊取省志府志例先志職官非敢目亢正以示激厲爾

一前代職官姓名多佚舊志固自言之今徧爲按羅共增入



八十五人而得諸碑刻者十之七八焉昔人所以重金石之刻也於其名下皆註明見某處以示傳信

一舊志所載名宦皆未入祠祀者似於名義未安今改標政蹟而本條別以現祀名宦者實之

一鄉賢乃爲人物卽未祀鄉賢而德行政學可稱者亦人物也區區科目何足以當之故改舊人物志爲選舉而別以鄉賢諸目爲人物志

一舊志薦辟按載未備今悉查補唐宋金元科甲無考者則仍踵闕文之舊舊志例貢中已混入例監今改曰例敘載凡有職銜者併採諸碑刻姓名補之若農官爲



國家特典壽官掾職亦義不容

以

一鄉賢專載祠祀諸公

例也他條彷彿舊志

一孝義於前而以獨行

以蹟爲循吏俾不混官師

一貞烈爲列女以並傳賢

近時節婦多已奉旌表者

亦採訪真確方敢登載

一寺觀舊繫雜志外之也今仍之第以改列於人物志之後

一舊志災祥雜入兵事今分爲二目並附雜志而別增雜撫

一條於末

一史志藝文例載書目茲邑先達著述世遠者旣難概見近

代者亦恐失傳臚志其目以爲異日徵文之藉



舊志藝文甚少四明詩興侯所續率多八景倡和之詩失於  
掄擇版亦不全今稍從選汰而別採碑記詩文補之

一各條中凡昔有今無者仍依舊志具載但註明興廢概弗  
刪除既不敢掩前人之成迹且使後來者得以考也

一各條中舊志所採史乘事蹟不無挂漏今詳查二十二史  
諸書及省志府志增入其考據未審與妄削太過舛錯失  
次者亦悉查對原文訂正

一史傳例於人姓名下兼載其字非特敬名之義亦爲後人  
參考地也舊志一概不載將有別見其字而茫然不知爲  
誰者今於職官選舉各表姓名下悉繫以字無考者仍



有傳則見本傳表不重出

一俗吏見聞舛陋兼苦文獻無徵雖殫力蒐羅其如時違勢左後之君子正譌補佚跂予望之

一志成付梓工費頗艱賴紳士踴躍輸助仍斥廉俸益之始克竣事謹貯版縣庫庶免散亡留意交盤尚希同志

知平原縣事溧陽黃懷祖謹識



Blank manuscript page with vertical lines.



平原縣志目錄

卷首

舊序

併修志姓氏

凡例

目錄

圖考

卷之一

疆域志

凡七條

星野

沿革

疆里

形勝

川澤

風俗

巡幸

卷之二

建置志

凡十條

城池

公署

倉庫

養濟院音濟堂育嬰堂

舖舍

汛防

市集

橋梁

古蹟

坊表

冢墓

漏澤園附

卷之三

食貨志

凡八條



里甲

戶口

田賦

稅課

驛站

鹽法

物產

恩卹

一 卷之四

學校志

凡六條

學宮

禮器

樂器

書籍

學田

義學

附錄

一 卷之五

祭祀志

凡二條

一 卷之六

祠廟

一 卷之七

職官志

凡四條

一 卷之八

官師

名宦

政蹟

一 卷之九

選舉志

凡七條



薦辟

進士

舉人

貢生

例敘

農官壽官  
掾職附

武科

武職附

封廕

卷之八

人物志

凡七條

鄉賢

孝義

循吏

文學

隱逸

方技

列女

卷之九

雜志

凡四條

災祥

兵事

寺觀

雜撫

卷之十

藝文志

凡三條

書目

碑記


序賦  
啓附

詩歌



Table with 10 columns and 10 rows of text, including names and titles such as 王公, 大夫, 士, 大夫, 大夫, 大夫, 大夫, 大夫, 大夫, 大夫.







縣界五十里

縣界五十里

東北

馬腰橋

永務店

東至馬城縣界四十里

世德寺

集家

東南馬城

案五十四里

店章新

莊家海

麻家莊

董家集

寺園頭

石家莊

蘇家集

梅家莊

任家莊






州界四十里

西至恩縣界十五里


西南至津縣界六十里






平原縣城內全圖

東





四面皆護城隄






平原縣治圖

管糧丞廨址




戲臺






典史廨址

明預備倉址



實實

金






主簿廨址

舊倉址


五






平原縣學宮圖

平原縣志




池水



蓮花池


橋龍起





邑庠生潘士惟繪圖  
時年六十有九







平原縣志卷之二

疆域志

星野

天垂象聖則之故周禮保章氏辨封域分星以觀妖祥占驗雖渺自古不廢矧平原古名郡入危度實有可考者乎畧採舊聞以爲觀察修救之助

漢天文志虛危青州 燕齊之疆侯辰星占虛危

漢地理志齊地虛危之分埜也西有濟南平原

晉天文志虛危之屬青州也平原入危十一度

隋天文志北斗七星第七主齊



唐天文志須女虛危元枹也初須女五度餘二千三百七十四秒中虛九度終危十二度其分野得漢北海千乘菑川濟南齊郡及平原渤海九河故道之南濱於碣石其象著爲天津絕雲漢之陽地理志德州爲元枹分

宋天文志造父五星距北星去極三十八度入危宿十一度北落師門一星去極一百二十六度入危宿十一度半

通考自須女八度至危十五度爲元枹於辰在子齊之分野屬青州平原入危十一度主造父星北落師門星

明清類天文分野書自女二度至危十二度屬齊分青州



疆井畫於黃帝郡縣分自昶龍世代遠而沿革紛人民雖非  
城郭猶是卽城郭有變遷而升降分合之蹟按代可稽也編  
次依古以來原委燦然表則斷自秦始

平原自上古少昊世爲爽鳩氏之墟帝嚳唐虞爲兗州域虞夏

時爲季荊氏封內地夏又爲鬲侯國

因鬲津得名應劭曰鬲偃姓咎繇後

商爲

逢伯陵之封域後爲蒲姑氏

左傳作薄姑按薄姑故城在今博興縣東南十五里去平原三

百餘里

及周改屬青州成王討蒲姑之亂滅之以益太公封地

遂爲齊西境下邑戰國時爲趙所併封公子勝爲平原君食

邑於此

平原之名始見

秦裂天下置平原縣屬齊郡漢以縣爲平原

郡治屬青州東漢改郡爲國仍治縣魏晉平原縣亦爲平原



國治屬冀州宋仍為郡治

時又有兩平原縣一置於鄒平地屬東平原郡北魏因之隋改鄒平

一分寧陽地僑置屬陽平郡北魏屬東陽平郡隋改冀邱

北魏徙郡治聊城而以縣屬安

德郡

真君三年省平原入鬲縣太和二十一年復置屬渤海郡中興元年來屬按宋明帝泰始二年冀州始陷於魏

時魏獻文帝太安元年也若真君三年當宋元嘉十九年北冀州尚為宋有魏何由省縣入鬲耶疑魏志真君字誤

齊

始遷今治

後周因之隋改安德郡為德州徙平原郡治之

在今陵縣

屬兗州以縣隸焉唐改平原郡為德州

中間天寶元年訖至德二載復為平原郡

平原仍為屬縣五代宋金元竝因之元時隨州直隸中書省

為腹裏地明隨州隸濟南府屬山東布政使司

國朝直隸濟南府雍正八年割屬高唐直隸州十二年仍屬濟南

府



又按省志府志舊志並云漢時冀州清河郡所屬繹幕縣鄒縣皆北齊省入平原其故城皆在今縣境內自宜附載沿革繹幕縣於北魏時改屬安德郡北齊以後遂不復見省於何時無明文也惟南齊志繹幕縣屬南清河郡建武二年省則僞置遙領名是實非矣鄒縣在北魏時改屬濟州南清河郡其省入平原見北齊書隋復置鄒縣則今之夏津縣是又開六年置繹幕縣大時異境殊弗敢溷入業初廢入安樂

沿革表

總部

郡國府州

縣

秦齊郡

平原縣



漢青州部

平原郡治茌平

平原縣繹幕鄒縣並屬冀州清河郡莽改鄒曰善陸

東漢青州部

平原國治

平原縣繹幕鄒縣並屬冀州清河國

魏冀州部

平原國治

平原縣繹幕鄒縣並屬清河國

晉冀州部

平原國治

平原縣繹幕鄒縣並屬清河國

按晉建興末平原為漢劉聰所陷嗣後前趙後趙冉魏前燕前秦後燕南燕迭據而有之至義熙六年晉滅南燕始收復其地為郡治

宋冀州部

平原郡治又置東平原郡治梁鄒在今鄒縣

平原縣又置南平原縣詳見前繹幕鄒縣並屬清河郡

北魏冀州部

安德郡太和十年於安德縣置郡治

平原縣繹幕縣亦屬安德郡鄒縣屬濟州南清河郡

北齊冀州部後周因之

安德郡

平原縣繹幕縣無考鄒縣省入平原

隋兗州部

平原郡

平原縣



唐河北道五代因之

德州武德四年改鄆州天寶元年復曰平原郡乾元年復曰德州

平原縣太和二年改隸齊州三年復來屬

宋河北東路

德州

平原縣

金山東西路

德州

平原縣

元中書省

統山東西河北之地謂之腹裏

德州

自北魏安德郡至元德州治所立在今陵縣

平原縣

明山東布政使司

濟南府德州

平原縣

國朝山東布政使司濟南府

平原縣

舊志云今平原蓋兼古鄆繹幕之地而有之厭次省入陵縣

隰陰省入臨邑曰鬲曰般皆入德平故前志所載人物今皆

不錄

按前志不知作於何時併未詳其姓氏殊為遺憾

又按史記年表諸侯封地有

陪有敢有羽有枊有宜成于鞏安陽高平鉅合以為皆在平



原曰在則不止於屬或鄉或邑今皆不可得而攷矣抄史記

屬平原宋嘗曰在也今商河縣是外此雖皆曰在然考漢志

羽為平原郡屬縣宜成為濟南郡屬縣似非盡在平原又今

歷城縣東七十里龍山鎮有鉅合故城以此推之似亦非盡

無可考也又按河間獻王子孫封于鍾侯石慶封牧邱侯

索隱亦曰在平

原併識侯考

### 疆里

體國經野度地居民正區界而辨方隅用杜爭桑之釁可

域民不以封疆之界而忽之乎邑介衝途縱長衝隘東西廣

五十里南北袤八十里其大都也四至八到肩列其詳

東至禹城縣界四十里又三十里至其縣治

西至東昌府恩縣界十五里又十里至其縣治



南至東昌府高唐州界五十里又四十里至其州治

北至陵縣界二十里又二十里至其縣治

東南至禹城縣界四十里

東北至臨邑縣界五十里又四十里至其縣治

西南至東昌府夏津縣界六十里又三十里至其縣治

西北至德州界四十里又四十里至其州治

由縣治東南至省城濟南府一百八十里

由縣治西北至京師七百八十里

形勝

保障恃乎金湯形勝因乎天地爾雅云廣平曰原水經注云



原博平也故曰平原顧名思義雖乏名山而襟帶河流浴靈衍秀昔置郡國於此以控扼齊趙之交良有以也

地勢砥平趙邑齊封錯壤河流帶曲鬲津馬頰交滌

見省志

地勢砥平原隴具列西襟馬頰北枕鉤盤

見府志

自岱劈脈勢就砥斗雖無山可紀而古隄旋峙大河環繞其形

勝有足觀者

見舊志

舊志云考類聚山之屬有平原嶺又漢書平原有望遠臺一名平原嶺可望百餘里或以馬頰河東有土隄甚高卽嶺也今未審所在按齊乘云平原嶺在德州東南七十里其上有鹿角關當時德州乃今之陵縣一統志載鹿角關在今臨邑



城北十五里唐置

臨邑志云

則平原嶺固不在本邑境內

可徒耳食其名也又舊志本魏志孫禮傳載平原有爵隄今

按高唐州志在州西十里亦不在本邑境

府志平原輿圖於東境楊柳寺之西

繪一阜題曰平原嶺又繪爵隄於南門外三義廟西並誤

### 川澤

平原昔稱澤國不能得水之利惟求避水之害自河道屢徙

而南加以永濟會通漕隄成而故流塞今無憂灌決矣馬頰

鴻溝修濬如舊新開高津以來夏秋漲潦益有所洩但障水

莫要於固隄而護堤莫先於植樹若夫下流深暢則非原所

得主也



黃河故道今謂之老黃河

舊志

水經云大河故瀆自靈縣東逕

鄆縣故城東又東逕平原縣故城西而北絕屯氏三瀆北逕

繹幕縣故城東北西流逕鬲縣故城西又東北逕平原縣此

周定王五年至西漢末黃河故道也

漢初韓信渡平原襲齊歷下軍今不可考川瀆

異同考云黃河故道本在平原以北其經平原以南自漢建武中始而末平以後常為河之經流矣又云河水

過高唐縣故城西又北逕張公城臨側河湄又北逕平原縣

故城東又云河水自平原左逕安德城東而北為鹿角津此

東漢以後黃河故道也唐及五代黃河東逕平原縣南五十

里宋慶歷八年商胡決後河逕恩縣南又東北與平原縣分

水又東北絕王莽河逕陵縣

今之德州

南又東北合篤馬河省志



二  
村至趙家莊轉入德州界在平原縣東北六十里  
漢書溝洫志武帝元光三年河決瓠子東南注鉅野上使  
黯鄭當時與人徒塞之輒壞時武安侯田蚡爲丞相其奉邑  
食鄒鄒居河北河決而南則鄒無入災邑收入多蚡言於上  
曰江河之決皆天事未易以人力塞遂久不復塞歲數不  
登元封二年卒塞之導河北行復禹舊迹成帝建始中河決  
館陶及東郡金隄汎濫兗豫入平原千乘濟南凡灌四郡三  
十二縣水居地十五萬餘頃深者三丈壞敗官亭室廬四萬  
所命河隄使者王延世作隄塞之改元河平後二歲河復決



平原流入濟南千乘所壞敗者半建始時復遣王延世與

作大匠許商等作治六月乃成鴻嘉四年渤海清河信都河

水溢溢灌縣邑三十一河隄都尉許商與丞相史孫禁共行

視圖方畧禁言今河溢之害數倍於前決平原時可決平原

金隄間開通大河令入故篤馬河

韋昭注在平原縣

至海五百餘里

水道浚利商以爲古九河之名有徒駭胡蘇鬲津今見在成

平東光鬲界中

師古注徒駭在成平胡蘇在東光俱屬渤海鬲津在鬲屬平原

自鬲以北至

徒駭間相去二百餘里今河雖數移徙不離此域孫禁所欲

開者在九河南篤馬河失水之迹處勢平夷旱則淤絕水則

爲敗不可許公卿皆從商言王莽時長水校尉關竝言河決



於平原東郡左右其地形下而土疏惡聞禹治河時木空  
地秦漢以來河決其南北不過百八十里可空此地勿以  
為官亭民室未施行至莽始建國三年河東徙由千乘入海  
而北濱遂空

馬頰河唐時黃河故道因導水入篤馬河故亦有馬頰之稱非禹跡也在縣境西南自博平縣

運河東岸滾水壩分洩運河漲溢之水東北逕清平高唐夏

津恩縣南岸係平原縣境又東逕津期橋折而北至王家莊入本縣

界又東北逕劉龍橋一名流寧橋至曲陸店迤北入

界行至德平縣東北逕義馬河會又東逕樂陵縣

又東北逕直隸慶雲縣又東復入山東海豐縣至月河口俗名



大枯入於海計行本境內長二十五里而寬三四丈竝數十

丈不等深一丈餘尺隄高一丈五六尺至二丈不等於乾隆

九年知縣黃懷祖奉文挑濬現在一律深通完固舊志云馬頰河即九

河之一源發於濟或即漢書之馬篤河蓋據禹貢注所引元

和志輿地記而言之然蔡氏已斥其謬誤矣按爾雅九河之

次由北而南鬲津第九最南故在平原界中若馬頰第三通

典云在趙郡長河考云在滄州廢清池縣東南不宜南在平

原而強以篤

馬河當之也

舊鬲津河舊志云九河之一按通典自安德流至平原界今堙

明一統志亦云鬲津枯河自齊河縣經禹城平原西來北行

經德州德平樂陵慶雲至海豐縣大沽入海今遺跡多不

可尋



新高津河

國朝康熙末年知縣周之翰奉文節平地開掘

夏秋漲潦藉以宣洩為益良多

一正中知縣鄒訓又奉文開拓深廣即新河而被以舊名

省志誤繫

一九河之自本縣西南張官店大興莊滙水北流逕董家林爐

坊繞城西北門又東北逕鄭家屯至譚家莊入德州界又東

入陵縣界至東北三官廟與篤馬河會又至德平縣義渡橋

一與馬頰河會計行本境內長四十九里河身寬二丈五尺至

八丈不等深五六尺不等並無淤塞

篤馬河亦名馬篤河俗名鴻溝河

漢地理志平原縣有篤馬河東北入海五百六十里水經

注屯氏別河南瀆自平原城北首受大河故瀆東出亦通謂之篤馬河今馬腰務有杜河土人謂之馬河疑即古之篤馬



河故自本縣南石家大窪匯流東北逕何家窪松林王家橋道也

至鳴雞店

即明吉店

北有趙王河水入之又西北逕呂家莊至麻

家莊岔河口入陵縣界與新鬲津河會又東北入德平縣界

東至張習家橋入馬頰河計行本境內長六十二里河身寬

二丈至十餘丈不等深五六尺不等係民間捐挑竝無淤塞

鴻溝河舊志云縣東十里按此即篤馬河上源故今俗猶呼篤

馬爲鴻溝河

趙王河

舊志關

自高唐州小菴莊匯流入本縣界東北逕趙家莊

新章店黃家坊楊柳寺范寧屯至盧家莊東南入篤馬河計

行本境內長八十二里寬二丈深五尺係民間捐挑竝無淤



塞

蒲河舊志云在縣南二十里今按自西南郝家堂起東北至錫

培口入馬頰河止計長二十餘里寬二三丈不等深三四尺

不等現在一律深通蓋卽馬頰之支河以洩境內坡水者一

統志載平原有蒲河鎮當卽瀕河之張官店也

王翁河按魏志廢帝正始中平原清河爭界八年不決司馬宣

王以屬冀州牧孫禮禮以烈祖初封平原時圖案之宜屬平

原而曹爽信清河言不用禮上疏曰界實以王翁河爲限而

郇以馬丹堠爲驗詐以鳴犢河爲界假虛訟訴疑誤臺閣平

原在兩河向東上其間有爵隄隄在高唐西南所爭地在高



唐西北相去二十餘里可爲歎息流涕爽見奏大怒劾禮舊志据此載王翁河今不審所在按一統志云在平原縣西南蓋黃河支津也或云卽屯氏別稱

古屯氏河

舊志闕

按水經云屯氏別河北瀆東逕繹幕縣故城南

又云屯氏別河南瀆自平原東絕大河故瀆又逕平原縣故城北東北枝津又出東北至安德縣界東會商河又云屯氏別河南瀆又東北於平原縣界又有枝渠右出至安德縣遂絕自隋疏爲永濟渠

卽今衛河

故道遂不可考

古商河

舊志闕

按水經云商河又北逕平原縣東一統志商河在

禹城縣東流逕商河德州德平平原界今不可考



金河舊志据金史地理志平原縣有金河今不可考

平原津舊志云在縣南六十里史記秦始皇三十七年出游竝海西至平原津而病正義曰今德州平原縣南六十里有張公故城城東有水津焉後名張公渡恐此平原郡古津也

舊志云按寰宇記鉤盤河在樂陵東南從德州平昌來平昌即今德平縣非平原也舊志縣四十五里今有盤河店按禹貢注引寰宇記云鉤盤河在樂陵東南從德州平昌來平昌即今德平縣非平原也舊志得毋爲三豕所誤耶蓋九河之次八曰鉤盤九曰鬲津鬲津最南舊志云在鬲縣亦今德平之境其自平原北流入焉故籍猶有可據若鉤盤則在鬲北不應亦山平原矣問考金史將陵縣有鉤盤河將陵即今德州故城在今陵縣北五十里其不由平原明甚故省志及德平武定霑化臨邑陵縣海豐樂陵諸志鉤盤河下俱不言由平原宜刪又按今一統志云鉤盤河在平原縣北亦誤也其云覆鬴河在平原縣東北流逕陵縣入武定海豐界尤不知何據



風俗

一史以風繫水土而俗隨君上要之化民成俗特上有以風  
一耳我

百年雅化所以風厲者至矣因民俗而利導之去太去甚庶  
幾昔人所云順流而與之更始乎原俗今昔稍殊故所志亦  
新舊相錯

嘗聞平原蓋有古之遺風焉前輩大都崇孝悌尚廉恥畏刑辟  
習儉素鄉之長老多厚重謹愿讀書敦本實其仕進率砥礪  
名節農工商賈勤力敦篤不敢犯非分其婦人慎內閑而修  
女事無論貧富於古蓋庶幾焉一統志云習尚敦厚民習務



本省志云人多忠勇家業農桑風俗淳厚誠慤無黨正此謂也乃今特立懷古之士則尙不忘其初凡民散佚其可慨者多矣非夫薦紳之彥飭躬範俗與夫長民社者表率而匡掇之將奚賴哉

舊志

正旦男女夙興家主設酒果禮奠名曰接神五鼓啟戶放爆竹焚香拜天次設其先主率卑幼拜之然後男女序拜其尊長男子盛服出詣戚黨門行禮稱賀

親初葬三年內必詣墓拜

立春先一日

邑官寮迎春東郊岡里集通衢游觀元宵官弛禁縱民借樂街市懸燈放花炮簫鼓歌謳之聲喧闐徹夜竟三夕乃已社前四鄉各醵錢演戲以祈年清明男女具時羞掃墓少長行



游郊外曰踏青四月八日僧家浴佛愚民施財端午以角黍相饋遺家設蒲觴懸艾虎其日多禁忌採藥者率以午時七月望設瓜果穀麻祀先亦多祭墓者中秋夕設具團飲曰圓月重九賞菊以饌酒相餉十月朔祭墓焚寒衣冬至祀先視常節少隆惟不相拜賀臘八食粥廿三日暮祭竈神歲除前數日以盤榼相餽問曰餽歲除父貼春聯放爆竹闔門羣坐懽飲曰守歲夫觀歲時之沿習民風可概而知也禮雖漓雜間有得古先之遺意者因其故修其教期變易而不失其宜而已

鄉俗冠禮久廢不講今亦不載令甲婚禮今惟嫁女適他邑乃



論聘財同邑問名但託媒傳帖將娶始送簪盒不過米肉果  
粉而遣女奩飾仍以華靡相高屆期男必親迎合卺廟見拜  
舅姑率如禮女家送飯三日壻偕婦詣外家謝親俗名回門  
外家或有鞍馬之贈喪禮被髮徒跣既歛成服掛紙受弔而  
初喪親族男女羣陪赴廟自董總憲訥爲戒約士夫家婦女  
始無赴廟者具酒肴待賓客務豐腆喪中多用浮屠今士夫  
家不復用亦由張中翰拭倡之營葬儀節畧如家禮芻靈明  
器稱家有無顧或堪輿家言或淹親匱以希貴富今惑者頗  
少其淹匱不葬率以力詘舉襄弗能爲觀美耳若葬必路祭  
則近日之古風也舊俗婦女亦中哭途喪不問親疎男女混



雜董叅議思疑約禁乃止時祭用褻禮無定品多祭於寢或  
於墓雖士大夫家亦鮮有祠堂者親朋常燕往往羅珍羞列  
聲樂以豐侈爲款厚無復儉素風好爭訟一言不合輒揮拳  
大詬赴縣喊冤素些窳媮生少蓄積故逋逃頗易地鮮樹桑  
久無蠶事而紡棉織布或織線毯線帶近時士夫家閨閣亦  
然民間則男子亦共爲之此其勤作可喜者也

巡幸

增

王者所過則化今古每望幸焉邑當衝途爲時運必經之地  
顧自東漢肅宗而後罕見紀載往蹟失傳我

聖祖仁皇帝翠華屢蒞愷澤頻敷歌咏到今猶若親逢其盛今春



皇上聿繩

祖武肇舉時巡官紳士庶既幸清蹕躬逢尤樂湛恩加被懽呼載

道

盛典彌光謹輯之以垂不朽

漢章帝元和三年二月北巡告常山魏郡清河平原郡守相曰

朕惟巡狩之制以宣聲教考同遐邇解釋怨結也今將禮常

山遂徂北土歷魏郡經平原升踐隄防詢訪耆老月令孟春

善相邱陵土地所宜令肥田尚多未墾其悉以賦貧民給與

糧種務盡地力勿令游手所過縣邑聽半入今年田租以勸

農夫之勞

見後漢書



康熙二十三年甲子秋九月

聖祖仁皇帝東巡十九日奉

恩詔凡經過地方康熙二十四年應徵丁銀盡行蠲免官吏兵民人等有犯除十惡等罪不赦外其餘自康熙二十三年九月二十四日昧爽以前死罪軍罪以下已發覺未發覺已結正未結正咸赦除之二十八日

駕發京師鴻臚寺官先期傳知百里以內地方官率本地鄉紳士民於十里之外候

駕至跪迎送如常儀十月初六日由陸路過平原

御製詩一首冬晴柳葉未落潦盡寒潭初清龍鑣千騎萬騎鴈隊



一聲兩聲

平東閣生員杜永祥宅進膳畢永祥率四子

俱諸生

叩奏履歷

上獎曰福壽雙全

後永祥壽九十有四

賜炙肉酥餅各四盤更

問有生員否隨傳廩生張琦至

命講中庸予懷明德一節

上曰中庸一書總是以人合天之學講得好

賜茶餅而行是夜

駐蹕東三里莊大路旁十一月復由平原西路

回鑾二十三日



幸守備王化新宅

召見化新

賜果一桌

命其子武舉國楫射箭一回

康熙二十八年己巳

聖祖仁皇帝南巡由陸路欽奉

上諭朕閱視河工巡省地方恐有司煩勞百姓著行令該督撫嚴飭地方官所過道塗停止修治欽此正月十三日

駕過平原

駐蹕曲陸店南張家地次日



駕發至七里舖特頒

諭旨朕軫恤民隱載舉時巡懋宣德化勤求疾苦比至山東所經  
城邑百姓扶老攜幼夾道懽迎朕問及連歲順成民生少得安  
業第思百姓足則國家充裕若期比戶豐盈必以蠲租減賦除  
其雜派爲先邇年以來各省地丁錢糧已經節次豁免山東地  
丁正賦意欲來歲蠲除茲因巡幸至此特先諭該撫速行曉示  
日傳三百里遐村僻壤咸使聞知以副朕省耕問俗之意特諭  
康熙四十年壬午冬十月  
聖祖仁皇帝以河工告成南行巡視由陸路經平原十二日  
駕幸故左都御史董訥南樓



特書眷念舊勞四大字

命其子吏部文選司郎中董思凝懸之墓門是時恩十二日

世宗憲皇帝以親王隨行亦十八日

幸董訥印園之清遠堂

在南樓之南

次年正月十六日奉

諭旨朕甲子巳巳兩次南巡路經東省見民生豐裕士庶其慶近

來淮黃告成朕不辭遠涉減從輕行待旦而興夜分乃寐再經

齊魯存問民生休戚似不及甲子巳巳朕深憐恤痼瘼之在抱

也若閭閻積蓄有餘卽遇有水旱亦不致困苦今特加恩蠲恤

戶口變養朕所經過地方德州平原禹城齊河歷城長清恩縣

長津武城館陶臨清清平博平堂邑聊城東阿陽穀壽張滕嶧



十州縣康熙四十一年未完地丁錢糧著通行蠲免欽此

康熙四十四年乙酉

祖仁皇帝南巡閏四月

同鑒二十日奉

諭旨山東所屬地方人犯亦照江南浙閩恩例概從末減自康熙

四十四年閏四月二十日以前凡罪犯詔欵不應赦者不赦外

其餘死罪以下已發覺未發覺俱著減等發落四十三年秋審

奉旨監候緩決者一併減等發落欽此

按是歲南巡往來俱由水道不經縣境而肆赦

之恩邑亦與焉故謹記之

乾隆十三年戊辰春二月



皇上東巡由陸路初四日

駕發京師十三日奉

上諭朕巡幸直隸山東所有承辦差務各官宜一體加恩著督

查明經過地方之辦差文武員弁凡有叅處罰俸降級等案但

准予開復其無此等叅罰案件者咨部各加一級欽此

臣懷祖得邀

恩開復十七日

駕至平原西路知縣

臣

黃懷祖率同城各官及紳士耆民等於流

寧口

御路旁跪接

駕幸馬家莊尖營

臣

懷祖等隨送



憲至高州行營前叩首而返十九日奉

諭山東上年被災州縣頗多雖屢加恩賑濟期災民不致失所  
今清蹕巡歷深用惻然損上益下厥有明訓以休以助是謂常  
經其再加恩將經過被災州縣無論極貧次貧於現賑外普行  
加賑一月平原與焉其不經過處所被災七分以上者極貧之民亦  
加賑一月以示優恤該部卽遵諭行欽此二十一日奉

上諭朕巡幸山左駕幸畿南雖安營除道絲毫不以累民而閭閻  
望幸宜溥恩施著將直隸山東經過州縣本年錢糧蠲免十分  
之三山東值輪免錢糧之年所蠲本年錢糧例於明歲免徵但  
念東省災黎待澤較殷著於藩庫地丁銀內照蠲免之數先行



動項賞給明年徵輸歸款其作何分別遠近一仿直隸辦理該督撫各董率地方官員作速查明蠲賞務俾小民均沾實惠欽此二十六日奉

上諭國家崇儒重道尊禮

朕躬詣闕里釋奠廟堂式觀車服禮器用慰仰止之思念魯師生素傳禮教應加恩覺序廣厲人材山東通省入學額數外加恩增廣一次府學大學增取三名中學二名小學一

以廣聖澤以光文治欽此

平原視大學  
詳學宮下

三月初一日奉

巡方岳所過地方既蠲租賜復疊沛恩膏而薄斂省刑



事宜並舉其山東直隸二省監候斬絞人犯五次緩決者著該督撫查明分別情罪奏請減等其軍流以下罪犯亦著查明減等發落咸予自新用昭肆赦該部卽遵諭行欽此初七日奉

旨賞給

臣

懷祖內緞壹端荷包貳個白金貳錠自省城差捧到縣

臣

懷祖出郭跪迎入署恭設香案望

闕叩頭謝

恩祇領初十日

駕回至平原東路

幸劉家莊婁家莊兩處尖營行至桃園站大營

駐蹕十一日



鑾輿曉發臣懷祖等接送並如常儀

國泰五年春正月丙辰朔日南至於國故太營

可至平風東龍

亦貽縣十日

四西地

一 鑾輿出漢興縣人界林苑香案望

貴命 聖輿內樂豐徽節以順國白金有鈴白金有鈴

於縣都知十日條用部縣地籍清明豐備不地此日奉

督辦查閱公限計罪案計地給其軍旅以不罪此亦蕃查和地

唐宜並事其山東直隸二省溫刻地縣人此正火縣光普普



平原縣志卷之二

建置志

城池

百雉之設所以固封守禦暴客也城頽池淺豈設險之義哉  
築而濬之良不容緩惟是費賒役鉅心計殊難况民勦且驕  
若難以佚道使也慮材用計徒庸稟成畫於大憲當操畚鍤  
爲吾民倡耳

舊城在縣西南三十里

一統志引唐書地理志作二十五里

北齊徙今治初爲土

城莫考築自何年周五里七十九步高一丈七尺厚一丈五  
尺外塹爲池環之廣三丈二尺深一丈二尺隙四門東曰控



岱西曰朝京南曰迎薰北曰拱極元至正十三年本縣達魯

花赤也先不花重修始建門樓

有碑邑人謝文禧撰記見藝文城樓題額曰東瞻泰岱西

聯燕趙南望中原北年久傾圯明成化初知縣周密修築之

拱神京見舊志城圖弘治十四年知縣朱良重修每百步設一舖便巡視正德六

年爲流賊所破明年知縣陶成增濬墉壑女牆內爲巡警舍

二十有四

有碑邑紳姚文淵撰記見藝文

嘉靖三十八年知縣胡子重修北

門敵樓萬歷三年知縣王遵義重修城垣堅厚有加十年知

縣喬起鳳始甃以甃四門各修月城復建敵樓併四隅角樓

修設腰舖濬池深廣外築隄堰以護城

有碑邑紳張蕙撰記見藝文

十一

年知縣方可畏增新樓櫓三十七年知縣黃景章

濬有碑



邑紳宋什撰

記見藝文

國朝順治十三年知縣崔掄奇捐俸重修康熙二十七年秋兩頽

壞知縣李瑤捐俸倡修重建四門城樓

有碑邑紳董誦撰記見藝文

閱年

既久雨蝕風摧城垣處處皆瑕雉堞盡圯樓櫓僅有存者亦傾敝已甚乾隆九年知縣黃懷祖勘估工料通詳在案大工興舉尙有待云

### 公署

朝廷建官而設之署觀瞻所繫綱紀攸存倘一任傾頽毋論垂堂可懼而政隳事玩實基於此謂邑尙有治乎故不傳舍其官者先自不傳舍其官署如若行臺館局舊有今無概刪



則將來莫考仍依舊志附列

縣治在城東北隅前代建置不一元末盡燬明洪武五年始建

大堂三間弘治十四年知縣朱良增修其制大堂五間後寅

恭堂三間川堂五間西庫樓東書房各三間

舊志云樓頽今庫在堂右堂

左爲幕廳右爲鑾駕庫各三間堂下東西各碑亭一座兩廂

吏廊總二十四間隸卒房總八間正南甬道中爲戒石亭

今頽

亭南爲儀門三間門外東爲土地祠爲倉

今廢

西爲攢造所

今廢

爲獄直南大門譙樓一座有鐘鼓門外東爲旌善亭三間悉

列善惡人名事跡於壁示勸戒也西爲申明亭三間懸律令

及諸榜文例設耆老日直

二亭並廢今設旌善坊於東北兩關申明亭亦在東關

正南



為墻屏堂最後為知縣解

以上俱詳知縣朱良自撰碑記中見藝文

嘉靖末譙樓

顏知縣曹楠修大門一座三間東為鐘鼓樓萬歷三年知縣

王遵義重修堂東西吏廊七年知縣王維藩因官解傾圮去

川堂改寅恭堂為衙舍舊宅遂廢十七年知縣劉思誠重修

大堂及吏舍於儀門東為寅賓館

今改衙內後廳為樓

久頽今仍

為廳

國朝乾隆五年知縣盧煜於後堂東建書房三間十一年知縣黃

懷祖於書房後建平房六間十三年重修大堂及內署

管馬縣丞解在知縣解東

舊志云今廢按今為馬神廟前為馬棚

又東為管糧縣

丞解

今廢丞稅民房以居

主簿解在知縣解西

今廢典史解在丞解南

俱



萬歷十七年知縣劉思誠重修今亦修典  
史稅民房以居舊廨僅存土地廟而已

儒學署

詳學  
校志

稅課局

在縣治西明初置大使一人弘治  
十三年知縣朱良重建萬歷中廢  
陰陽學明初置訓  
術一人惠

民局

俱在縣治東明弘治  
十三年修萬歷中廢  
醫學在太僕寺行臺西明  
初置訓科一人今廢  
僧會司

在淳

縣寺

桃園驛

舊在縣西北十五里明永樂十八年建後以遠遷附郭  
尋又遷城內西南隅各新驛正廳後廳各五間寢房五

間東西房廚房各三間門樓鼓樓各一座驛丞宅一所成化  
十三年知縣殷璽修隆慶間驛丞雍縉重修未就今俱久廢

察院行臺在縣治東

明洪武三年建弘治十五年重修其制正  
廳五間東西廂房各三間後廳川堂各五

間東吏舍西廚房各五間儀門大門各三間萬歷三年重修  
三十七年知縣黃景章新建後上房川堂各三間後書吏房

三間造册房十間造册廚房書吏廚房  
各三間又官廳一所  
在察院西今俱廢



布政司行臺在縣治南

明宣德六年建規制視察院舊址有旬宣坊在大門外舊志

云今廢又官廳一所  
在大門東明末圯

太僕寺行臺改南察院在縣治西南

明宣德六年建規制視察院今廢邑老相傳明時

督學使者試士平原南察院即其地  
院也後為米廩今養濟院即其地

府館後改分司在縣治西

明成化十年建正廳三間兩廂房各三間後廳五間過廳三間吏廚房各

三間儀門三間大門一間萬歷十六年知縣劉思誠重修改大門為三間東有官廳一所明末圯

倉局

養濟院普濟堂育嬰堂附

積貯上關國計下利民生前代簿籍空存大都中飽惟我

朝綢繆未雨實政亟行鉤覈精嚴有備無患乃如傷若保猶無慮

弗周焉夫奉宣德意有司之責也條列於左



預備倉在縣治大門內東明洪武中建三十間萬歷十年知縣  
喬起鳳增建二十間十六年知縣劉思誠修久圯

預備新倉在縣治儀門內西明萬歷二十四年知縣周汝觀建  
今廢

存留倉三所凡二十五間在縣治後明永樂二年建舊志云已  
廢

署西舊倉二十四間

國朝康熙年建今圯

署東新倉八座共二十四間官廳一間

國朝雍正八年知縣李國祥奉文補建爲收漕之所



署後常平倉八座共二十四間

國朝康熙五十三年知縣郎天禎修立乾隆五年知縣盧煜重修

疑卽明存  
留倉址

義倉在東門內街南明萬歷十三年知縣方可畏建久圯

社倉明萬歷十七年知縣劉思誠叔建三所

一在捉虎屯一在明吉店一在古樓

店俱久廢

國朝雍正十二年奉文叔立於四鄉以便賑貸

按今西北兩鄉各有莊名倉上想因

前代置社倉於此而  
得名耶惜無可考

養濟院

舊在縣治西明洪武十七年建成化九年遷南東隅嘉靖末遷淳熙寺東久廢

今在縣治西南

小十字街迤西路北

舊名米廠

共計房屋三十二間



國朝雍正九年知縣李國祥修

普濟堂在小北關

國朝雍正十二年奉文飭建正瓦房三間兩邊小瓦房四間

十五間大門一間

上有題額

育嬰堂在普濟堂北隣亦雍正十二年奉文飭建正瓦房三間

兩邊小瓦房二間大門三間

上有題額知縣張祖舉

倡捐置地二百四十五畝坐落城南郭家莊又節婦朱張氏

捐七里屯水坡地六畝生員辛鑑捐張家莊西南地二十

三畝二分六釐以上共地三百二十八畝二分六釐每畝科

租倉斛麥一斗穀三斗



禮孀院

建於城西門內今不可考

舖舍

邑當南北數道之衝符命文移往來絡繹舖遞之設有由來

矣今仍舊

遞舖七座

共司兵三十六名

總舖

縣治東

董家莊舖

縣東南七里

尹家莊舖

縣東南二十里

脫赤莊舖

縣東

南三十里達

桃園站舖

縣西北十五里即故驛也

曲陸店舖

縣西北三十里達德州界

譚家舖

縣西南五十里高廣堅平夾道開溝沿溝植柳每年地方官巡視有關

輒補至今濃陰節比行人賴焉

汛防



自寓兵於農之制壞而文武途分然同事斯土則城池倉獄  
與有司存官相維制良善也況地衝則易以藏奸野曠  
慮其竊發偵邏守望可勿講乎墩舖某列擊析相聞庶可恃  
無恐矣舊志演武塲附公署後今移載於此

高唐營分防平原縣汛把總一員

國朝康熙二年設無公署僦居民房轄馬兵十七名戰步兵一名守兵三

十八名

墩臺六座竝官廳營房俱乾隆十二年知縣黃懷祖重建二十

里舖

縣東南二十里

邵家廟

縣東南二十五里

張公店

縣東南三十里

北關

縣北門外

老

鴉陳

縣西北十七里

官道鄭家莊

縣西北二十五里



演武場在縣西門外里許場北爲演武廳明萬歷十五年知縣  
劉思誠重修左建旗幟廟右建馬神廟各三間又建看場人  
役住房三間今俱圯惟演武廳基址尙存

按舊志巡捕官一員以佐貳首領爲之民壯四百名編四十  
六里內馬兵十五名步兵三十四名俱在兵備道操練防秋  
後廢以馬快手十五名團操民壯六十六名赴兵備道操練  
又守城民壯八十名護守城池巡捕巡鹽等項差用弓兵皂  
隸三十六名本縣併各衙差用蓋明時兵防職掌如此今馬  
快民壯猶量設而兵則轄於把總

市集

會場附



古者日中爲市有司平物價焉今則僧師駟伯得操其贏縮  
矣然曹參之治齊也日以獄市爲寄齊之已事固難繩以法  
乎夫觀百貨之通趵集之衆亦可以驗歲時之豐稔課程所  
由不虧也日新月盛竝紀定期

縣治南北關逢七大集北關又以四九日小集

東西關逢二大集東關又逢五小集小北關逢十小集

水務店金史地理志平原縣鎮一曰水務在縣東四十里以五十日集

鳴鷄店縣東二十里以一六日集古樓店縣東北二十里以三八日集

馬腰務縣東北四十里以四九日集二十里舖縣東南二十里以三八日集

捉虎屯縣東南二十五里以三八日集撫流店縣東南三十里以四九日集今廢



大務集

縣南三十里  
以一日集

腰站

縣西南五十里  
以四九日集

崔家寨

縣東三十里  
以四九日集

范寧屯

縣東二十五里  
以二七日集

孫家寨

縣東二十里  
以五十日集

董家集

縣東十五里  
以四九日集

小屯

縣南三十五里  
以二七日集

蘇家集

縣南三十五里  
以四九日集

李家寨

縣南二十里  
以二七日集

沙家莊

縣南二十五里  
以三八日集

飲馬店

縣南十五里  
以四九日集

田家坊

縣南十里  
以三八日集

寇家坊

縣南十里  
以一六日集

周家寨

縣西南十五里  
以五十日集

姜家集

縣西南三十里  
以四九日集

老鴉陳

縣西北十五里  
以三八日集



董路口

縣西北十八里  
以四九日集

倉上

縣北十五里  
以四九日集

紅廟

縣北十五里  
以二七日集

劉家屯

縣北十五里  
以五十日集

王古屯

縣北十五里  
以三八日集

高村

縣北二十里  
以三八日集

會場

附

縣西北十方院

一月十二日  
起大會三日

南關三義閣

五月十二日  
起大會三日

西關

九月十二日  
起大會三日

北街

十一月十二日  
起大會三日

縣西南森羅殿

正月十八日  
起大會三日

縣南張官店

六月十日俱初四  
日起大會三日

縣東鳴鷄店

六月二十八日起又十月  
十八日起俱大會三日

縣東北馬腰務

六月二十四日  
起大會三日

縣西南腰站

五月二十五日起又九月  
三十日起俱大會三日

橋梁

水涸成梁王訖之一故宋景濂謂遊客有以橋道觀繪教者



平原雖無落虹排雁之觀而通津野渡修葺以時知無煩乘

輿之濟已

東門橋

康熙四十八年邑紳董思恂重建有碑

南門橋

康熙四十七年邑紳朱泗濱重建

西門橋

明末邑人董奕秀重修

北門橋

頰川橋

在東關官道有頰川代筏石坊明萬歷三十六年邑紳宋仕建聞舊制橋上有樓旁有石欄今廢

國朝

乾隆七年知縣呂

宏積修橋有碑

鬲津橋

在西關外舊有鬲水飛虹石坊制與頰川

橋等亦明邑紳

宋仕建今廢

曲陸店橋

縣西北三十里

老鴉陳北橋

縣西北十七里

老鴉陳東橋

縣西北十四里

二十里舖橋

縣東南二十里

鴻溝河橋

縣東南二十五里

趙王河橋

縣東南三十二里以上八橋俱國朝雍正七年發帑修建



先農橋 在東關先農壇後

觀音橋 在南關觀音堂旁

玉皇橋 在北關玉皇廟東

真武橋 在北關真武廟前

三岔口橋 縣南二十里

梅家口橋 城西二十五里

董路口橋 即董家橋城西北十八里明邑人董遇春建有碑

馬家口橋 城西十二里

新橋 城西十二里康熙間邑紳董調重修

許家橋 城西南十五里

津期橋 城西南五里恩縣界舊志云即平原津

明末樂初南巡經此改各永昌橋店名長安店以上六橋俱在馬頰河上

張仙橋 在都富營北水與城濠相通國朝順治末年世綏張德賁建俗傳漢留侯嘗辟穀於此故名張仙蓋傳會也

橋西有關帝廟

古蹟



陵谷有遷往蹟不改平原立縣最古召棠寇竹之愛鄭鄉董  
里之遺當有存者惜簡編荒畧多湮烟草中矣傳什一於千  
百聊以慰懷古情深者

昭代園林頗盛今率就蕪八景雖稍粉飾然傳聞既久亦足見勝  
概焉

平原邑

卽縣境戰國時爲趙所併封  
公子勝爲平原君食邑於此

桑邱城

在縣西境齊邑史記韓世家  
文侯七年伐齊至桑邱卽此

韓信營

在縣南境漢將韓信夜渡平  
原襲齊歷下軍此其故營也

平原故城

在縣西南三十里漢置縣爲平原郡治水經河水北  
逕平原縣故城東是也北齊時改遷今治按今縣南

張官店有故城焉北距管輅墓十里南距古高唐城五十里  
與魏志十三州記所載道里符合其爲古平原郡縣之城無



疑當云在縣南二十五里  
省志作西南五十里尤誤

繹幕故城

在縣西北二十里府志作三十里漢置縣屬清河郡水經屯氏別河北瀆東逕繹幕縣故城南是也寰宇

記作驛幕城郡國志云殷祖乙時置驛於此按省志府志舊志皆云繹幕縣北齊省入平原今考北齊書實無明文不知何據今縣西北亦並無繹幕城址豈在古平原縣西北而北齊所遷今治卽故繹幕縣城故嗣後繹幕遂不復見耶若隋時復置復廢之繹幕又未審仍其故地否

鄒縣故城

在縣西南三十里一統志漢置縣屬清河郡後漢馬武傳初封鄒侯注在平原縣西南水經屯氏故瀆東

北逕鄒縣與鳴犢河合是也北齊省入平原舊志云故址猶存隋所置者非此鄒也而夏津志又以爲在其東北三十里按史記呂后紀封呂它爲鄒侯正義引括地志在平原縣西南三十里通典德州平原下亦云有漢鄒縣故城在今縣西南與後漢馬武傳注合唐去北齊未久諸說宜皆可據今西南三十餘里闕家莊之南有古城焉卽鄒縣故城無疑

張公城

在縣南六十里水經大河北逕張公城臨側河淵



曰張公渡

張公故關

在縣西北三十里寰宇記云將陵縣東南七十里在張公故關今入平原境以上竝見省志

杜林

舊志云在今縣西相傳有河伯冢按當在古平原縣西詳雜摭

亭子

在縣北十里名古亭子按古縣皆有亭亭子以小吏為之如晉書以劉卞補亭子是也

蓮花池

在縣南門外迤東與城內學宮相對今為民田遇雨微有瀦水聞術士云宜修治出殿狀未知然否

黑龍潭

在縣西二十里馬頰河與泉寺下其深巨測遇旱禱雨取水於此載一統志

津西別墅

在城內西隅有坊有亭有館地可三十畝久廢

邀月亭

在城西南隅有亭有館地可二十餘畝久廢與津西別墅或係公所或先達園亭無考以上竝見舊志

繹幕園

在西郊毛家廟南明宋宮保仕別墅有亭樹松竹之勝久廢白衣菴尚其故址也

蔡家園

在津西別墅邀月亭之間國初蔡同知完梅園也久廢



士味園

張知縣德賁別業在東門外今廢

卽園

董總憲訥別墅在城南里許卽柳村也總憲柳村詩集多詠園中之勝子叅議思凝自城中徙居之文酒風流亦多

吟味園今廢惟南樓仍世居焉叅議子元賡云其地故張叅軍弦園也

鄭氏園

鄭州同騰雲頤老之所在城中南察院東假山頗奇特址尙存

趙氏園

在城東八里莊趙訓導瑋藏修之所中有喬松屋藏經籍子史及古書畫鼎彝甚夥結構閒雅花竹差參子鉞

孫奎文漢文繼之漢文尤跌宕文史稱名孝廉與劉芬張璫張伯璵陳誼諸名士流連觴詠其中奎文愛菊善莠治劉孝

廉芬有索菊詩云秋風颯颯白雲斜我愛東籬處士家知否蝸廬太岑寂可能分贈一枝花今就荒矣

素園

董行人調讀書處園枕西門城濠有土山石洞諸勝康熙癸未圯於水

二如園

一名承淵園董行人調園也在新橋西臨側馬頰河湄亭臺上下花木陰森澗瀆波光近接几席今數易主矣

勝概猶存



環水園

在城南門城濠之南朱通判洲濱築秋水時至清澱潔同柳竹尤擅一時之勝今成菜圃

似山亭

在縣署南亭之南為致爽齋詩人董上舍訪所居訪好賓客日賦詩飲酒於此

張氏園

張中翰拭芝堽村中園也在馬頰河東岸修竹參天頡頏環水梨棗種俱絕佳大抵園以近水為勝二如園外

此又其一矣

畦樂園

在城西郭家莊蓋縣丞思敬別墅園中芍藥幾二十畝皆購自遠方多異種昌平舉人郎大乾題曰花田

張園

在射圃西迤南西城指揮張楸枚歸老於此子知府炯生增葺之今易他姓

千佛塔

城北七里國朝康熙中建

平原八景

舊志云係舊傳

津期駐蹕一曰雲凝古渡

以古帝王巡歷茲土故云然無確指

三義停驂一曰霞觀桃園

西北十五里桃園村為蜀漢先主官茲土時與關張結義之所



穀城懷古 一曰仙橋濶野

以漢張良辟穀游隱於此恐無據

馬頰思功 一曰禹鑿通天

以九河之一故云其實今之馬頰非禹跡也

曲陸耕雲 一曰鳩埜春耕

以地遠城市而近河民之力作者衆故云

青陵禱雨 一曰龍湫響應

青陵有湫天旱往取水以禱雨

西寺聞鐘 一曰曉鐘鳴梵

西寺古刹昏曉之際銓鉤四達今淳熙寺是

譚莊觀稼 一曰車坂犁雲

與曲陸意同後易以暮璫連雲又曰名城聽角以唐顏魯公拒安祿山於

此其實魯公守郡拒賊故治在今陵縣此特其屬邑耳

坊表

書曰表厥宅里樹之風聲此坊所自始乎榮被當年芳流百

世用示勸屬於風教非小補也遠者或泯其標題近者多誦



於財力棹楔蓋寥寥矣然而汗策猶新旌揚斯在宜悉表而

出之

旬宣坊

在布政司行臺西今廢

解元進士坊

為行人王用立

都諫坊

為刑科都給事中王坦立

進士坊

方伯坊

俱為布政使姚文淵立

牙繡坊

為御史聶宣立

凌雲坊

為崑崙州知州齊高立

步蟾坊

為舉人杜達立

恩榮坊

為贈御史張忠立

進士坊

柱史坊

俱為御史張祿立

鳴鳳坊

為舉人李猷立

進士坊

為憲副張一厚立

世德褒榮坊

為贈侍郎任天錫立

褒榮坊

為贈侍郎任弘道立

翰苑坊



天曹坊

俱為刑部右侍郎任士憑立

地曹坊

為戶部主事胡致和立

五世恩賜坊

為都御史張蕙曾祖贈署丞壽祖州同福父贈副使邦傑兄贈郎中蘅姪知府仁立

都憲坊

為都御史張蕙立

進士坊

為僉事商誥立

恩綸兩錫坊

為贈知府毛愷立

進士坊

為副使毛自道立

豸史賜恩坊

為封御史宋以方立

霜臺持憲坊

為御史宋仕立

天下之平坊

為大理少卿宋仕立

畿南開府坊

為都御史宋仕立

貞節坊

為徐尚義妻王氏立以上見舊志

中正坊

縣治前東

和平坊

縣治前西俱國朝知縣張若谷重修

譽髦豹變坊

在學宮西與文昌閣對今廢

廉憲坊

為按察使趙煜立

歷世恩榮坊

為贈員外張翠郎中張敬立

西世科坊

為進士王事先臣立



學士坊

聯珠學士坊

太司馬坊

亞相坊

俱為左都御史董訥立

天官坊

為吏部文選司郎中董思疑立

學憲坊

為湖廣提學僉事董思疑立

貞節坊

俱國朝一在城西三里康家莊為康允中妻陳氏立一在北門內為趙重誥妻任氏立一在張官店為

武生蕭縉妻遂氏立二在南門內迤東為教諭朱懷霖妻張氏朱懷標妻徐氏立一在東門外為方懋迪妻周氏立一在

城北十五里倉上為生員孫九齡妻趙氏立其餘無力建坊但製扁旌門者不能備載

旌善坊

東關北關各一俱乾隆六年奉文建

冢墓

漏澤園附

墟墓之間過者生哀况賢達遺壘乎九原如可作也吾誰與

歸蓋徘徊憑弔不勝景行之思焉昔所以禁樵採也漏澤園



卽古掩骼埋胔之政例得附書

漢樊將軍墓

南門外迤東濠畔有大家相傳爲舞陽侯噲墓

泗濱重立按河南省志樊噲墓在舞陽縣北二十四里噲封舞陽侯因葬此且有樊噲城址在縣西北噲宅卽在城側有垣基廣百步而廣輿記又載噲墓在徐州城北大抵古人聲名顯榮者墓田故宅以及游寓之區後世往往依託傳會互見於志籍若樊將軍墓之在平原亦沿流傳之舊者歟

魏管少府輅墓

魏志平原有管輅墓在城北十里許按今縣西南商家廟之南周家寨西相傳輅墓在焉俗呼

神仙臺其南有管輅墓南距張官店古平原城恰十里許與魏志合康熙間墓陷爲田莊亦廢自陵縣志誤收之省志府志遂沿其譌而省志又引元魏地形志云管公明家在廩邱縣今鄆城縣也殆與河南通志謂輅墓在懷慶府城東北均屬傳疑矣

青陵冢

在縣南十二里不知何代王公葬地今上有龍王廟



河伯冢

相傳在古縣西杜林村  
新撫以上見舊志

宋劉太守奉伯墓

在城北三里劉玉池莊西其旁邱冢累累諸  
劉之墓皆在然自奉伯墓外其後裔不能指

名別

識矣

明王叅政坦墓

在城東南王夫人  
莊東南半里許

姚布政文淵墓

在小北關其西為宋呂保祖塋  
按姚宋兩塋之間有墓焉相傳為馬知縣墓馬係邑人進士

年代無考今其地屬宋氏惟願少  
增黃土俾培塿常存盛德事也

任侍郎士憑墓

在城西北里許有隆慶  
五年諭祭碑見舊志

張都憲蕙墓

在城西北曲陸  
店東南里許

商僉事誥墓

在南關觀音橋南迤西有碑從子四人  
同立乾隆元年邑人董元廣增土修築

毛副使自道墓

在西關外  
毛家莊北



趙廉使焯墓

在城北八里蔡家莊南曾孫訓導瑋附

宋宮保仕墓

在城東三里楊家莊東有萬歷四十七年諭祭碑

張郎中敬墓

在城東北五里屯東孫知縣德賁附

霍御史從教墓

在城南里許東有三古塚

高知縣知止墓

在城北二里許李家莊東

楊給事雲鴻墓

在水務西南半里沙河北岸

張布政國柱墓

在城東北十五里張家老莊前子主事完臣孫中書拭附

任知縣光諱墓

在城東八里莊南一里

贈副使董應魁墓

在城西北董路口村後子贈左都御史遇春附

張御史聚秀墓

在城東五里屯東里許子參軍弦附



孫知縣似古墓

在城西北三里陳家莊東

任貞女墓

在小北關正北護城隄內知縣黃懷祖重立碑詳列女

國朝董副使振秀墓

在城西北二十五里梅家口村後正北二里子贈左都御史允禎祔

趙知府重熙墓

在城西北三里

潘副使巨墓

在城東十五里潘家廟東

劉知縣衍洙墓

在縣東南三十里王仁宇家莊東子教諭芬祔

任同知有剛墓

在毛副使自道墓西北半里許

贈郎中張永鏊墓

在城南四里鄭家莊西

張副使自涵墓

在北關外玉皇廟後

董總憲訥墓

在城南十里墅墓門懸



聖祖仁皇帝

御書眷念舊勞四大字

張指揮楸校墓

在城東南三里官道東子知府炯生祔

董叅議思凝墓

在縣西南三十里郭北口村南里許郭北口一名鍋培口昔人以鍋培土築隄故名

姚知縣一經墓

在城東北興旺寺東南一里

孝子朱士倉墓

在城東北五里屯後

平原縣知縣郎天祐墓

在十里墅西新隔津河東岸其西岸與董家林遙對邑監生董元賡所捐地也墓

西祔天祐子舉人  
大乾妻某氏冢

古冢

舊志云在城北里許按平原古冢最多相傳有七十二冢皆兩漢以來王侯卿相之墓此特其一耳

漏澤園

在城南三義廟西共地五畝南北二十八步環以周垣有門扁有碑文舊志云今廢餘詳邑屬壇下

義氣

在南門外白衣巷西計地八畝明萬歷中邑紳宋仕瑄一在廟東明末邑廩生張永鰲捐一在城



北里許任家莊前 國初節婦任劉氏捐一石東關外先農  
壇南官道旁有石碣康熙二十九年邑紳朱泗濱捐又明崇  
禎己卯郡廩生董奕秀捐董路口  
橋東地收瘞暴骸今亦呼爲義冢



蘇東坡水石暴烈今亦平爲

This image shows a vertical strip of aged, yellowed paper. A prominent, dark, irregular stain runs down the center, possibly from a binding or a liquid spill. The paper has a textured, slightly mottled appearance with some faint, illegible markings and small dark spots scattered across its surface.

蘇南宮前張市不顯鬼魅三十五

卷之四



原縣志卷之三

食貨志

里甲

里甲俗名鄉圖蓋卽古閭井什伍之制足以稽村落之遠近戶口之增耗而賦役由此權衡焉前明銀差力差款項婪如皆取辦於當甲蠹豪飛派貧弱流移國朝剔弊釐奸所以恤民財力者無所不至均平畫一烟戶胥恬保甲實力奉行則無在非仁里已

明時縣編戶四十六里內土民里二十二里係大里小民里三十四里係小里每里老人里長書手原催各一名各共四十



六名每里十排九名見年里長一名共十名以上十年一輪  
管催辦勾攝萬歷十五年知縣劉思誠裁革十排里長並書  
手止留老人以存都圖

縣庫子一名倉夫二名禁子四名均徭門子十四名皂隸二十  
七名青夫五十名白夫八十名縣堂門子二名縣丞主簿  
典史門子各一名燈籠夫十三名喂馬夫四十名儒學庫  
子一名門子四名

桃園驛正馬十七匹副十一匹每匹工食草料銀三十三兩五  
錢共九百三十八兩驢八頭每頭銀十九兩共銀一百五十  
二兩車夫三十三名每名銀十兩實支銷銀二百三十二兩



以上俱解府發驛支領  
原奉頭種馬四百一十四匹  
名每歲二季共解駒頭馬八十二匹於北京太僕寺上納  
獸八名今革種馬每季止解馬十餘匹餘俱折色  
水驛水夫三十名銀三百兩臨清州驛劄供廩銀四十兩布  
政司幫貼糧餉銀一百兩本府編剩銀四十五兩五錢  
國初編戶四十四里今查四十六里

一都十九里二都十三里三都十四里

正東鄉神字號編戶二里

正東鄉正字號編戶三里

正東鄉明字號編戶五里

東南鄉天字號編戶四里

正南鄉法字號編戶六里

正南鄉直字號編戶六里

西南鄉地字號編戶五里

正西鄉紀字號編戶三里



西北鄉編字號編戶三里

正北鄉道字號編戶四里

東北鄉度字號編戶二里

東北鄉公字號編戶三里

按前明銀差力差今多裁革其沿設者概攤入地銀條編官徵官辦詳後田賦條下各鄉惟輪充公正鄉總催納賦糧

### 戶口

民爲邦本故王者拜受民數登於天府誠重之也而何以聚人曰財繭絲保障之間此戶口所由消長乎 國朝雜辦一歸條編戶口之賦止丁徭一項自欽奉 恩詔永不加賦又將丁徭攤併地糧民間之擾累盡蠲加以休養生息久逾百

三  
年  
人  
口  
日  
增  
而  
月  
盛



明洪武二十四年戶八千九百四十一口  
十四永樂十年戶八千九百二十七口  
成化八年戶九千一百二十二口  
嘉靖八年戶五千五百四十六口  
二十年戶五千五百三十五口  
隆慶  
以來又不及矣  
按洪武開國之初戰爭甫定宜戶口之耗  
顧乃多於承平之日何也蓋民不患寡而貴定法不患叢而  
貴一洪武之初民志始定而法一又息之以安養戒之以禁  
令牧守盡職此戶口之蕃所由起也自是盛於永宣正統之  
間極於成化弘治之際而索寞肇矣賦歛日增征求日益遂



至戶消口移寡弱形見豈非爲民上者所當思哉

以上舊志

國初原額不分等則一例人丁三萬九千七百三十一丁每丁徵銀一錢一分共該銀四千三百七十兩四錢一分內除順治四六等年撫按兩院題豁逃亡人丁二萬二千五百六十二丁該免銀二千四百八十一兩八錢二分又除鄉紳舉貢生員止優免本身丁六百二十二丁該免銀六十八兩四錢二分見在當差人丁一萬六千五百四十七丁該銀一千八百一十五兩一錢七分續於順治十一年至康熙五十年節年編審共新增人丁一萬一千一百四十三丁該銀一千二百二十五兩七錢三分雍正二年奉文豁免太監人丁一丁免銀



一錢一分在新增丁內減除以上總計增減相抵外實該除  
逃丁併優免人丁一萬二千四十二丁該免銀一千三百二  
十四兩六錢二分見在人丁一萬六千五百四十七丁該銀  
一千八百二十兩一錢七分新增人丁一萬一千一百四十  
二丁該銀一千二百二十五兩六錢二分見在併新增  
當差人丁共二萬七千六百八十九丁共該銀三千四十五  
兩七錢九分雍正三年在敬陳管見等事案內奉文自雍正  
四年爲始將應徵丁銀攤入地畝項下徵收戶部覆准山東通省州縣衛所  
每地銀一兩攤丁銀一錢一分五釐零其開墾地畝俟陞科  
後遇五年編審之期合一縣丁銀計新舊地銀按兩攤減各  
就一縣之地均算  
十三年查歷年編審除優免紳衿運丁豁除奉文  
免其徭役改歸



外省併太

頂補

康熙五十二年戶部覆准新增人丁永不加賦今以新增之丁補足舊缺額數除向係照

監及逃也

地派丁外其按人派丁者如一戶之內開除一丁新增一丁

卽以所增頂補所除倘開除二三丁本戶抵補不足卽以親

族之丁多者抵補又不足卽以同甲同圖之糧多者

頂補如有多餘之丁歸入盛世滋生冊內造報

外實在

完賦人丁二萬七千六百八十九丁

康熙五十二年欽奉

詔嗣後編審增益人丁止將實數奏聞其徵收辦糧但據康熙

五十年丁冊定爲常額續生人丁永不加賦自康熙五十五

年至乾隆十一年節年編審共

滋生增益人丁一千八百九丁永不加賦

乾隆十一年奏報民數共

內男大



六千六百二十三小口三萬八千七百一女大口  
七萬三百四十一小口三萬六千五百四十二

田賦

則壤成賦肇於禹貢食租衣稅古今之通義也平原田賦歷  
代無考明萬歷間始行一條鞭法末造加派紛雜已視之若  
弁髦 國朝全書簡易詳明且歲給由單百姓咸知定額蠹  
胥莫得為奸美意良規憲章萬世起存欵目一準全書

縣原額大糧地五千二十一頃六十八畝九分四釐

徵銀原夏額失載

稅小麥八千五十九石八斗一升四合二抄二撮五圭

德州常豐

倉麥一千八百石戶口食鹽鈔銀一百三十

秋糧粟米一萬八千八百六石二斗

三升二合七勺二抄一撮

兌派德州米入站地二千三百七



十五頃每頃徵銀九錢共銀二千一百三十七兩五錢每歲  
額辦絲綿二百八十一觔一十四兩八錢三分三釐三毫三  
絲雜皮一百六十張長生羊毛三十九觔一十二兩皮毛係貢額  
以上舊志

國初原額大糧不分等則折成徵糧地五千二十一頃六十八畝  
九分四釐四毫內除竈地八頃一十八畝一分列後另派外  
實該額地五千一十三頃五十畝八分四釐四毫每畝徵正  
供雜辦併九釐胖衣等銀五分四釐九毫九絲七忽五微二  
纖一沙六塵九渺六漠共徵銀一萬七千五百七十三兩五  
分三釐九毫二絲一微九纖四塵每畝徵麥四合一勺九糧



六粟共徵麥二千六十石八升五勺每畝徵米二升八合四勺八抄二撮五圭四粟六顆共徵米一萬四千二百七十九石七斗四升八合七勺一抄五撮內除順治四六等年撫按兩院題豁拋荒地二千三百八十五頃二畝二分六釐該免銀一萬三千一百一十七兩二錢三分三釐二毫一絲八忽二微一纖四塵該免麥九百七十六石六斗五升八合四勺八抄二撮九圭八粟七顆該免米六千七百六十九石八斗四升九合九勺九抄一撮七圭七顆外實在成熟地二千六百二十八頃四十八畝五分八釐四毫徵銀一萬四千四百五十五兩八錢二分七毫一忽九微八纖徵麥一千八十三



石四斗二升二合一抄七撮一粟三顆徵米七千五百九石  
八斗九升八合七勺二抄三撮二圭九粟三顆續於順治八  
年至康熙十二年節年起科新墾地一千八百七十二頃五  
十二畝一分三釐三毫該徵銀一萬二百九十八兩六錢三  
釐二毫四絲六忽五微四塵徵麥七百六十六石六升八合  
六勺八抄二撮九圭八粟九顆徵米五千三百一十石一斗  
一升五合八勺九抄一撮七圭七顆又順治十三年屯地歸  
併大糧地五百一十二頃五十畝一分二釐七毫該徵銀二  
千八百一十八兩六錢二分九釐九毫七絲一忽七微一纖  
徵麥二百一十石五斗八升九合八勺徵米一千四百五十



九石七斗三升四合一勺二共新墾歸併地二千三百八十五頃二畝二分六釐共徵銀一萬三千一百一十七兩二錢三分三釐二毫一絲八忽二微一纖四塵共徵麥九百七十六石六斗五升八合四勺八抄二撮九圭八粟七顆共徵米六千七百六十九石八斗四升九合九勺九抄一撮七圭七顆見在成熟併新墾歸併地共五千一十三頃五十畝八分四釐四毫共徵銀二萬七千五百七十三兩五分三釐九毫二絲一微九纖四塵又攤入實在丁銀三千四十五兩七錢九分共銀三萬六百一十八兩八錢四分三釐九毫二絲一微九纖四塵共徵麥二千六十石八升五勺共徵米一萬四



千二百七十九石七斗四升八合七勺一抄五撮

寄莊地一十五頃七十八畝五分除正項在於原額地畝內派  
徵外每畝外徵銀四分五釐四毫五絲共徵銀七十一兩七  
錢四分二釐八毫二絲五忽於清查寄莊錢糧等事案內奉  
文自雍正十三年爲始攤入闔縣地糧內徵收

竈地八頃一十八畝一分每畝徵銀二分六釐五毫八忽七微  
五纖八沙七塵二渺共徵銀二十一兩六錢八分六釐八毫  
一絲五忽五微五纖每畝徵麥四合一勺九撮六粟共徵麥  
三石三斗六升一合六勺每畝徵米二升八合四勺八抄二  
撮五圭四粟六顆共徵米三石三斗一合五勺七抄二



編

原額額外荒地四十四頃六十一畝八分五釐每畝徵銀三分  
共徵銀一百三十三兩八錢五分五釐五毫內除拋荒地三  
十六頃八十二畝該免銀八十兩四錢六分實產成熟地三  
十七頃七十九畝八分五釐徵銀五十三兩三錢九分五釐  
五毫續於康熙十六年至乾隆三年節年題科新墾地共三  
十三頃七十二畝四分五釐九絲七忽共徵銀七十一兩一  
錢七分三釐五毫三絲九忽一微題在除拋荒地三頃九畝  
五分四釐九毫三忽該免銀九兩七錢八分六釐四毫七絲  
九微外實成熟併新墾地共四十一頃五十二畝三分九絲



七忽共徵銀一百二十四兩五錢六分九釐二絲九忽一微  
原額學田地一項二十畝全熟每畝徵租銀五分共徵銀六兩  
以上額徵地丁起存本折正雜共銀三萬八百四十二兩八錢  
四分二釐五毫八絲九忽八微四纖四塵共麥二千六十三  
石四斗四升二合一勺在徵陳東省徵收夏麥之弊等事案  
內奉文自雍正八年爲始內本色麥石改徵米石共米一萬  
四千三百三石五升二勺八抄六撮在請

旨事案內奉文自乾隆二年爲始於漕糧項下改徵黑豆五千五  
百六十二石六斗六升續於謹陳青州兵米等事案內奉文  
自乾隆八年爲始黑豆仍改徵米四千九十九石五斗四升



一石八斗八抄三撮七圭五粟三顆實徵黑豆一千四百六十三石一斗一升七合一勺一抄六撮二圭四粟八顆又爲請議歸併漕截銀兩等事案內奉文以康熙十一年爲始在於漕糧項下每正米百石加潤耗銀五兩米五石其該加潤耗銀五百二十五兩米五百二十五石又祿折額數無幾等事案內於康熙二十六年奉文起運本色麥米改折銀兩統歸地丁併徵分解今查本縣本色麥內應除起運本色麥一石七斗二合七勺七抄六撮六圭七粟六顆每石折銀六兩二錢該折銀一兩八錢七分三釐五絲四忽三微四纖三沙六塵本色米內應除起運本色米三百二十二石三斗三升



一合五勺三抄七撮一圭五粟四顆每石折銀八錢該折銀

二百五十五兩九錢六分五釐五毫三絲三忽三微二纖三

沙二塵又於額臨米等項內除臨清本色並耗米四

十五石五斗一升五合三勺五撮麥冬每石銀八錢該折

銀三十六兩四錢一分二釐三毫又於特餉內除臨清

德州倉本色正耗米五百三十石九斗八合一勺三抄六撮

奉文每石折銀一兩該折銀五百三十一兩九錢八釐三毫

經文減正加耗係公本糧統徵自乾隆二十九年

始奉文每石折銀一兩六分五釐五毫三絲三忽三微二纖三

沙二塵又於額臨米等項內除臨清本色並耗米四十五石五斗一升五合三勺五撮麥冬每石銀八錢該折銀



奉文自康熙四十二年爲始班匪攤入地畝項下徵收銀三  
十二兩四錢以上增折共銀一千三百二十兩二錢伍分九  
釐四毫五絲五忽一纖四沙一塵六渺八漠四埃二漠又在  
徵陳管見事案內奉文通省應徵丁銀自雍正四年爲始攤  
入地銀內徵收今查本縣應攤徵人丁銀三千二百一十三  
兩四錢三分二釐四毫二絲八忽二微五塵五渺三漠六埃  
二漠較之見在人丁該額徵銀三千四十五兩七錢九分實  
增攤人丁銀一百六十七兩六錢四分二釐四毫二絲八忽  
二微五塵五渺三漠六埃二漠連前通共實徵銀三萬二千  
三百三十一兩七錢四分四釐四毫七絲三忽五纖五沙一塵



起運項下

二抄三撮三圭二粟四顆米一萬二千四百六十六石一斗  
七升八合一勺五抄六撮五圭九粟八顆黑豆一萬四千六  
十三石一斗一升七合一勺一抄六撮三圭四粟八顆

一、起運地丁銀二萬三千八百三十一兩五錢六分二釐四

毫一絲一忽三微二纖一沙四塵五渺三漠六埃二漠內每

一畝歲納帝廟祭祀銀三十兩又撥支先農壇祭

牛一萬頭每頭納解起運銀二萬三千七百九十九兩

一、文曰銀四十二兩一錢一忽三微二纖一沙四塵五渺三



通志卷二

一起運本色麥一石七斗二合七勺七抄六撮六圭七粟六  
顆奉文每石折銀一兩一錢該折銀一兩八錢七分三釐五  
絲四忽三微四纖三沙六塵

一起運本色米三百二十二石三斗三升一合五勺二抄七  
撮一圭五粟四顆奉文每石折銀八錢該折銀二百五十七  
兩八錢六分五釐二毫二絲一忽七微二纖三沙二塵  
一起運拆色脚價銀八十九兩八錢二分六釐五絲六忽四  
微二沙

一歷科舉人車價銀四兩八錢四分一釐七毫一絲四忽五



微二織

一司庫鹽鈔銀三十兩四分四釐四毫五絲八微八織

一京庫地畝棉花絨一百九十七觔一十二兩六錢八分八釐八毫每觔價銀七分共解銀一十三兩八錢四分五釐五毫一絲三忽五微

一鋪墊銀一兩九錢七分七釐九毫三絲五微

一脚價銀一錢一分七毫六絲四忽一微八沙

一供用庫黃蠟三十七觔六兩五錢二分五釐每觔價銀一錢五分五釐共解銀五兩七錢九分八釐二毫一絲九微一織七沙五塵



一 脚價銀四分六釐三毫八絲五忽六微八纖七沙五塵

一 漕糧正改兌正耗米七千二百二石三斗四升

一 豆改米四千九十九石五斗四升二合八勺八抄三撮七

圭五粟二顆

一 正改兌正耗豆一千四百六十三石一斗一升七合一勺

一 抄六撮二圭四粟八顆

一 輕賣銀四百八十兩

一 蓆草銀八十二兩六錢四分三毫七絲二忽七微九纖

一 酌減蓆片銀四兩二錢

一 隨糧給軍代解一分七釐本色蓆片銀八兩九錢二分五



釐

一腳價銀二百八十二兩二錢五分五釐八毫三絲五忽四

微

一盤費銀五百九十六兩九錢九分九釐四毫六絲五忽五

微四纖

一潤耗銀五百二十五兩

一潤耗米五百二十五石

一運軍行糧本色米四百石

一腳價銀一十兩七錢五分二釐五毫九絲九忽二微六纖

一臨清倉本色正耗米四十五石五斗一升五合二勺五



奉文每石折銀八錢該折銀三十六兩四錢一分

一脚價銀二兩五錢二釐六毫五絲一忽五微八纖

一德州倉本色正耗米五百三十一石九斗八合二勺三抄

撮奉文每石折銀一兩減正加耗併入大糧統徵該折銀

四百六十五兩七錢八釐九毫七絲八忽九微四纖七沙三

塵六渺八漠四埃五漠六兩

一蓆草銀二十八兩七錢八分八釐四毫九絲五忽七微四

纖

一德州常豐倉本色正耗麥改米一千九百四十四石

一蓆草銀二十七兩四錢一分八釐四毫九絲五忽七微四



一 腳價銀七十八兩四錢一分三釐九毫一絲四忽四纖

一 德州常豐倉粟米折色銀七百七兩六錢九釐八絲三微

七纖

一 腳價銀一兩四錢一分五釐三毫一絲一忽二微四纖

一 學院衙門學田租銀六兩

以上起運本色正費併漕糧潤耗及學租通共銀二萬七千五

百八十二兩四錢一分五釐六毫一絲八忽八微三纖六塵

二 渺二漠四漠麥改米一千九百四十四石米一萬二千二

百二十六石八斗八升二合八勺八抄三撮七圭五粟二顆

黑豆一千四百六十三石一斗七合二勺二撮六圭



存留項下

一官俸役食銀一千三百三十九兩五錢三分七毫四絲六忽六微二纖麥改米一百一十七石七斗三升九合三勺二抄三撮三圭二粟四顆米二百三十九石二斗九升五合二勺七抄二撮八圭四粟六顆內

本縣知縣一員俸銀四十五兩

吏書十二名工食康熙元年奉裁

門子二

名工食連閏銀一十一兩二錢三分皂隸十二名工食

連閏銀六十七兩二錢六分件作四名工食連閏銀二

十二兩四錢二分馬快八名工食連閏銀一百二十五



兩五錢七分五釐 民壯三十五名工食連閏銀二百八

十兩 看監禁卒八名工食連閏銀八十九兩六錢八分

轎傘扇夫七名工食連閏銀三十九兩二錢三分五釐

庫子四名工食連閏銀二十二兩四錢二分 庫書一名  
工食奉裁

斗級四名工食連閏銀二十二兩四錢二分 倉書一名  
工食奉裁

縣丞一員俸銀四十兩 書辦一名  
工食奉裁 門子一名工食連閏銀

五兩六錢五釐 皂隸四名工食連閏銀二十二兩四錢

二分 馬夫一名工食連閏銀五兩六錢五釐

典史一員俸銀三十一兩五錢二分 攢典一名  
工食奉裁 門子二名

工食連閏銀五兩六錢五釐 皂隸四名工食連閏銀二



十二兩四錢二分 馬夫一名工食連閏銀五兩六錢五

釐

儒學教諭一員訓導一員舊共俸銀三十一兩五錢二分乾隆元年奉文加增俸銀四十八兩

四錢八分共俸銀八十兩書辦一名工食奉裁齋夫三名工食連閏銀

三十七兩二錢 膳夫二名工食連閏銀一十三兩七錢

七分七釐七毫六絲 門斗三名工食連閏銀二十二兩

三錢二分文廟夫一名名宦祠鄉賢祠共夫一名工食供奉裁

通舖司兵三十六名工食連閏銀二百八十三兩一錢三

分二釐四毫

孤貧九十八名口連閏歲支冬衣布花銀三十九兩一錢



五毫八絲六忽六微二纖月糧米併麥改米共三百五十七石三升四合五勺九抄六撮一圭七粟

一驛站里甲夫馬銀三千一百六十八兩六錢七分三釐三毫三絲三忽三微五纖七沙內

桃園驛夫馬工料銀一千九十六兩二錢二分八釐四毫五絲八忽六微七纖九沙四塵三渺二漠內 走遞馬三十

八匹草料連閏銀七百六兩八錢 馬夫十九名半工食連閏銀二百四十一兩八錢 抄牌一名工食連閏銀一

十二兩四錢 飛遞公文馬夫二名工食連閏銀二十四

兩八錢 藥材醫獸牛名工食連閏銀六兩 供用中伙



廩糧銀六十九兩六錢 鞍屨棚廠槽鋤等項銀三十四兩八錢二分八釐四毫五絲八忽六微七纖九沙四塵三渺二漠

里甲夫馬銀二千七十二兩四錢四分四釐八毫七絲四忽六微七纖七沙五塵六渺八漠內 走遞馬三十二匹草料連閏銀五百九十五兩二錢 馬夫十六名工食連閏銀一百九十八兩四錢 白夫一百名工食連閏銀一千二百四十兩 鞍屨棚廠槽鋤等項銀三十八兩八錢四分四釐八毫七絲四忽六微七纖七沙五塵六渺八漠 一雜支銀二百四十兩一錢二分四釐七毫七絲四忽二微



四織七沙五塵內

修理

龍亭帳幔等項銀一錢一釐三毫七絲三忽三微九織七沙五塵

文廟祭祀銀三十五兩香燭銀一兩二錢五分

崇聖名宦鄉賢祠祭祀銀四兩

社稷山川壇祭祀銀四兩

邑厲壇祭祀銀四兩三錢八分

鄉飲銀三兩六錢三分一釐二毫八絲五忽八微九織廩

生廩糧銀一百七十三兩六錢一毫

先是裁減三分之一充餉乾隆元年仍復原額

府學歲貢生袍帽傘蓋銀三兩六錢三分一釐二毫八絲

五忽九微二織縣學歲貢生袍帽傘蓋銀七兩二錢六分



釐五毫七絲一忽七微五纖

歲貢生正副盤費銀一

四錢五分二釐五毫一絲四忽三微五纖

歲貢生迎賀旗

匾等項銀一兩八錢一分五釐六毫四絲二忽九微四纖

按以上所載徵收起存之數皆定額也若漕糧項下遇歲閏

加派閏月米一十二石二斗八升一合六勺又漕糧每正米

一石加收耗米一斗五升

先是每石徵收耗米二斗地丁項

下每正銀一兩加收耗銀一錢四分

先是每兩徵收耗銀一錢八分雍正十年奉文

減二分乾隆二年又減二分

除存支知縣縣丞典史養廉公費解費腳費

之外餘皆提解藩庫以充公用例在必徵幾與正項無異然謂之加耗究非敢以為定額也伏讀雍正五年二月戶部議



覆御史陳學海條奏耗羨各省應行畫一欽奉

上諭火耗原非應有之項乃迫於時勢不能全行禁革耳故加耗重者必重治其罪而賢員愛養斯民將舊有之數亦可輕減若一經督撫題定數目則火耗遂成定額雖遇清廉之官亦不能裁減而遇貪劣之員又將多取於此數之外以飽私橐必致重累民生該御史請令督撫具題該部卽照所請議覆均屬不合此處不准行大哉

王言其爲斯民慮者至深遠也而敢以今之所加者爲必不可減之定額乎哉故起存耗羨細數皆畧而不書然現今耗銀已



百書查造冊凡一收一支皆報部存案稽查蓋亦深知民力之艱難雖勢不能遽減而立法以求杜私增之弊也

### 稅課

正賦之外有稅課蓋以抑逐末杜爭欺理財者所不廢也向或苛斂假公濟私自雍正七年釐定以來不漏不溢上下交利完解裕如

明時課程額辦商稅等項該鈔六千七百八十一錠一貫六百三十文初嘉靖三十七年設有稅課局巡攔採辦門攤各項貨物課稅以後革去稅課局官召募巡攔並無採辦派各斗

秤店戶出納

舊志



國朝分爲五項徵解藩庫

一田房契稅每價一兩徵稅銀三分皆用布政司印發契尾儘收儘解

一當稅每舖一座徵稅銀五兩

一牛驢抽稅銀三十五兩六錢

一牙雜稅銀三十兩九錢牙帖皆由布政司鈐印頒發報部存案不許濫給增添

一課程銀四十六兩二錢

驛站

驛所以達政教便使客也自冠蓋如雲往往索於額外奔命



久疲矣今迎送有常濫應有罰越站逸道有禁弊剔困甦宜無過於此時者也

桃源驛

本名桃園驛以桃園村得名

明初在縣西北十五里後遷移城內西

南隅舊設驛丞一員

國朝順治十六年奉裁併歸知縣兼管額設里馬三十二匹驛馬

三十八匹馬夫三十五名半抄牌一名飛遞公文馬夫二名

藥材醫獸牛名白夫一百名今馬棚在縣署東額支夫馬等

銀詳見田賦存留項下

鹽法

舊志闕

齊興鹽筴上筦利權宋後通商下無淡食



國家尤謹綱年之法配運有地疏銷以時倘引壅課虧則考成有在故書之以補舊志之闕

明有額徵鹽鈔今俱攤併地銀內徵收已見前田賦起運項下明引額及正雜課銀無考百谷今無考五雜署東路支六黑

國朝順治元年以一引分爲三引每引連包索二百觔康熙十六

年每引加鹽二十五觔十八年題准每十引加一引嗣是歷

年遞加或銷不及額則有均引之法故商民兩無所累見今

每年銷引六千四百三十六道其鹽由永舉場地撥運在利

每引額徵課銀二錢五分八釐其該額徵課銀一千六百一

十四兩一錢四分八釐八毫



物產

萬物資生何地無產邑之所產甚微穀屬之外惟恃棉花耳地多鹵鹼非得雨則種植不出若唐志所云土貢絹綾於今求之實無有也但紀土宜所有庶無徵杜若於坊州者乎

穀之屬

黍

有黑紅白三種

稷

黑紅二種

粟

有黃紅白三種俗謂之穀

麥

秋麥為上春麥

次之

燕麥

荳

有紫紅黃白黑豌豆七種

早稻

蜀秫

紅白二種俗謂之高梁

芝蔴

蕎麥

稷

薏以

蔬之屬

韭

芥

葱

薤

芹

苋

茄

蒜

薺

薑

茶

莞荂

萊菔

紅白二種

苘蒿

白菜

菠薐

芋

山藥

蔓菁

生菜

眉豆

蒿苳

蒼筤

馬齒莧

菌



蕨菜 銀條菜

瓜之屬 西瓜 甜瓜 王瓜 絲瓜 冬瓜 簞瓜 南瓜

北瓜 才瓜 玉瓜 花瓜 瓠子 壺盧

果之屬 棗 梨 桃 李 杏 柰 沙果 蘋果 瓶梨

一葡萄 棠梨 櫻桃 石榴 林檎 文官果

木之屬 松 栢 檜 桑 榆 槐 檉 椿 楊 三種

柳 栢 梧 桐 杜 檮 楮 棠 荆 馬櫻 楸

竹 藤

恩縣志云成化間叅政唐虞令種柷桑棗等樹贍給貧民迄  
今夏寨等處樹木茂盛棗梨桃李之屬獲利頗多皆唐公遺  
惠也今按馬頰河西臨河一帶北自梅家口董路口南至津  
期店凡五六十里爲恩平兩縣接壤之地杏花繁盛桃李續



紛合抱之木數尋之材所在皆是每春日遊憩眾香迷路洵勝地也夏間兼得果實之利大抵皆自唐公啟之又馬頰河東岸隄外皆縣地棗樹最盛

花之屬

海棠

緋桃

荷

菊

玫瑰

水仙

萱

迎春

玉簪

丁香

薔薇

刺蘼

石竹

月季

紫薇

木槿

蜀葵

鳳仙

雞冠

秋海棠

雁來紅

紫茉莉

金雀

金盞

紫荊

串枝蓮

千日紫

棣棠

翦春羅

翦秋羅

紫蝴蝶

滴滴金

夜落金錢

蔦蘿

蓼花

草桂花

梅

根生者率養盆中植地則死其在地而繁盛者皆可以桃杏接成蓋土人善接樹凡樹皆可仲

春則土接暮春則枝接

牡丹

芍藥

二種皆購自他方不常有惟張氏安堯堂東牡丹數本為其祖

明布政使國柱手植閏今百數十年尚存



草之屬 蒲 葦 荻 荇 藻 莎 蒿 萍 茅 艾

蓬 稂 莠 菖蒲 葱茹 馬藍 苜蓿 節節

獸之屬 牛 羊 馬 驢 羸 犬 豕 兔 貓 鼠

獾 狐狸 蝟 田鼠

禽之屬 鶩 鴨 雞 鳧 雉 鴿 鴉 雀 燕 鵲

鳩 鷓鴣 烏 鸛 鷺 鷹 黃鸝 布穀 蠟嘴

阿濫堆 啄木 梟 蝙蝠

鱗之屬 鯉 魴 鯽 鱖 鰱 鮠 鮓 鰻 鱧 鱉

鰕 鮒 黃鮓 蝦

介之屬 鼈 蚌 螺



人屬  
蜂  
蟬  
促織  
蟋蟀  
螞蟥  
螻蛄

蚤  
蟄  
蟻  
蛇  
蛙  
蜘蛛  
蝸  
蟻  
螻  
蟻  
蟻

蟻  
蠅  
螞  
蟥  
蝨  
蠹  
蝱  
蠊  
蜚  
蠊  
蟬  
蛾  
蠋  
蠍  
蜈  
蚣

蜉蝣  
 伊威  
 蠅虎  
 蜣螂  
 蜈蚣  
 螟蛉  
 蜾蠃  
 蛆

戴蠹山水牛

藥之屬  
地黃  
杏仁  
甘草  
紅花  
枸杞子  
兔絲子

茵陳 牽牛 枯樓 天花粉 葶麻子 大麻子 槐角

白芥子  
車前子  
地膚子  
益母草  
桑白皮  
苦丁香

酸棗仁  
蒼耳子  
夏枯草  
紫蘇  
荊芥  
白蒺藜

地骨皮  
小茴香  
馬兜鈴  
老鸛嘴  
蒲公英  
瞿麥



貨之屬 棉花 棉布 棉線 土紬 線毯 絲麻 苧麻

蜜 靛 糖 錫 黃蠟 桑皮紙 芝蔴油 白棉子油

硝 礬 葦蓆

恩卹 增

邑無蓄藏又不知撙節小祿卽仰食於官自非屢奉絲

聖恩損上益下民其有瘳乎歷稽史冊未有如我

朝之愛民者也然官儲有定而歲候難齊惟吾民勿恃恩可常邀

而相與勤業節用以為備豫不虞之計尤藏富足民者所深

望爾

順治八年因水災頻仍以倉穀賑窮民以學租調貧士



十二年欽奉

恩詔順治六七兩年民欠地丁錢糧悉予豁免

十三年欽奉

恩詔順治八九兩年民欠地丁錢糧悉予豁免又戶部覆准額外

荒地每五里設一官莊借給資本三年償還後照熟地例起

科

康熙三年欽奉

恩詔順治十五年以前民欠錢糧概行豁免

四年欽奉

恩詔順治十六十七十八等年各項民欠錢糧悉行豁免又以旱



災本年條銀全免發帑金賑濟

十年欽奉

恩詔康熙四五六等年民欠地丁錢糧悉予豁免

十八年以旱饑戶部覆准發粟賑濟災民蠲田租十之三宦戶不與

二十三年欽奉

恩詔東巡經行各州縣丁銀俱行豁免平原與焉

三十五年欽奉

恩詔本年地丁錢糧盡行蠲免併令地方官勸諭紳衿富室酌減地租嗣後蠲免錢糧之省將蠲數分作十分以七分蠲免業



官者即准抵本年正賦

四十七年旱災蠲免錢糧十分之三

自康熙四十七年起例除歉收五分以下不成災

外六分者免十分之一七分八分者免十分之二九分十分者免十分之三

四十八年大風傷麥戶部覆准康熙四十七八兩年地丁錢

糧暫緩催徵

五十年欽奉

特恩輪免天下地丁錢糧一年山東於五十二年除漕項外所有

應徵地丁銀全行蠲免其歷年舊欠一併免徵

六十年旱戶部覆准動支倉穀散賑

六十一年旱戶部覆准開存貯倉發穀散賑



雍正元年戶部覆准康熙六十年及六十一年被災錢糧各照分數蠲免又欽奉

上諭康熙五十八年至六十一年分年帶徵錢糧俱著停徵一年又戶部覆准發倉穀散賑災民

二年欽奉

上諭實在舊欠分作三年帶徵

三年欽奉

上諭康熙五十八年至雍正元年帶徵民欠錢糧著從雍正二年起寬限作八年帶徵又以二麥被旱戶部覆准新舊錢糧緩徵又以秋禾被水戶部覆准本年漕米漕項均緩徵一半



四年戶部覆准雍正三年夏麥秋禾被災錢糧各照分數蠲

免

五年以後欽奉

上諭將蠲免之例加增分數其被災十分者免七分九分者免六分八分者免四分七分者免二分六分者免一分

七年欽奉

上諭著將山東省庚戌年地丁錢糧蠲免四十萬兩以獎地方官

民之善平原縣免銀三千六百五十餘兩

八年欽奉

上諭以歷城等七十三州縣被水著將不成災之州縣

平原在內

今歲

漕糧停其徵收俟明歲收成之後照數交官

九年戶部議准撥奉天存倉米二十萬石從海運至山東平



羅平原與焉

十一年欽奉

上諭著將山東雍正十一年地丁錢糧蠲免四十萬兩卽以存貯之耗羨照數撥補還項平原縣免銀三千六百五十五兩六錢八分零又以夏麥旱災免銀六千七百八十二兩七錢七分零又以秋禾水災免銀一千五百八十四兩零

十三年九月欽奉

恩詔雍正十二年以前歷年未完民欠錢糧概行豁免

乾隆二年欽奉

上諭蠲免山東省地丁錢糧一百萬兩平原縣免銀九千一百九



十六兩一錢零又以夏麥旱災免銀一千五百一十二兩六錢四分零又以秋禾水災免銀二千四十七兩八錢七分零

四年秋禾水災免銀七百九十二兩九錢零

六年秋禾旱災免銀八百五十八兩二錢八分零

七年夏麥旱災免銀一千一兩三錢三分零

八年秋禾旱災免銀三千七百三十一兩七錢八分零漕米

緩至丙寅年帶徵又截撥夏津恩縣歷城漕米共五千石運至

平原賑貸

九年夏麥旱災免銀三千四百一十二兩八錢四分零又撥貯麥四千石又撥截南漕米一萬石運至平原賑貸又撥運



本省漕米千石減價平糶

十年欽奉

上諭將乾隆六七八九等年未完錢糧分作五年輪流帶徵又欽奉

特恩普免天下地丁正賦一年山東省於乾隆十三年輪免其輪免之年所有帶徵舊欠一併停緩俾民間終歲無追呼之擾十一年戶部覆准截存帶徵八年分漕米一千一十九石九斗二升八合八勺於十二年五月貸與貧民

十二年秋禾被水免銀五千三百九十五兩三錢二分零其餘地丁銀緩至辛未年帶徵清項亦不更俱緩至己巳庚午兩



年徵六十四年未完地丁銀亦著分年緩徵又奉

上諭撥德州貯倉南漕米五千石運至平原散賑又截存本縣漕米六千八百六十五石六斗三升零散賑又本縣貯倉常平監穀准動支八千八百六十一石六斗三升零散賑餘二千四百八石一斗四升零全數平糶十一月又奉

上諭山東被災次重之齊河等六十州縣衛所極貧加賑兩個月次貧加賑一個月平原與焉遵例每穀一石折給銀六錢十三年春共賑給銀八千九百三十七兩一錢二分六釐

十三年戶部覆准撥豫省漕米二千一百四十七石八斗三升四合又撥德州倉穀五千石俱運至平原減價平糶又欽



奉

恩旨東巡經過被災州縣無論極貧次貧再普行加賑一月隨於  
欽奉

上諭截留南漕六十萬石內奉撥江南大河幫漕米一萬石運至  
平原散給加賑米六千一十六石二斗其餘出借又奉

恩旨東巡經過州縣本年錢糧蠲免十分之三因值輪免之年於

藩庫動項賞給平原縣

大營一座週圓四里爲限尖營三座各以週圓二里爲限東西道路二條

共八十八里除去河溝寬一里爲限共蠲給銀七百九十九兩八錢九釐零又

奉撥德州水次豫省米三千石運貯備借又奉

欽差查賑大學士高斌左都御史劉統勲推廣



